

# Fu'u 'Akau Fakamo'oní

*Ko e hā 'ene 'uhinga ke ma'u ha fakamo'oní?*

**Fai 'e Maryssa Dennis**

Ngaahi Makasini 'o e Siasí  
Makatu'unga 'i ha talanoa mo'oní

Na'e hū atu 'a 'Ilisa  
ki he Palaimelí  
'o tangutu he tafa'aki  
hono kaungāme'a ko  
'Amaní.

"Mālō e lelei!"

Ko Sisitā Lusou ange  
ia. "Tau kamata 'aki  
ha hiva."

Na'e hiva 'a 'Ilisa mo  
'ene kalasí. "Ko e tuí ko  
ha 'akau: 'e tupu 'o ka tō"  
(*Tohi Hiva 'a e Fānaú*, 50).

Na'e tufa ange 'e Sisitā Lusou  
ha pepa mo e kala. Na'á ne pehē,  
"Fakakaukau ki he'etau hiva." "I ho'o tō  
ho'o tenga 'o e tuí, 'oku tupu ia ko ha faka-  
mo'oní. Sai, tā leva he taimí ni e fōtunga ho'o fakamo'oní  
kapau na ko ha fu'u 'akau."

Na'e sio fakamama'u 'a 'Ilisa ki he'ene la'ipepá. Na'e  
kamata tā valivali e toengá. Na'e fakasiosio 'a 'Ilisa ki he  
tā valivali 'a 'Amaní. Na'e sino hangatonu 'ene fu'u 'akau  
pea lahi hono ngaahi laú. Na'e hangē ia ko e pāsili na'e  
tupu he fakafaletolo 'i honau fale nofo totongí. Mahalo  
na'e fōtunga pehē pē mo 'ene fakamo'oní! Na'á ne to'o  
'ene kalá pea tā valivali ha me'a tatau mo iá.

Na'e pehē 'e Sisitā Lusou, "Kātaki 'o kumi 'i homou  
folofolá ki he 'Alamā 32."

Na'a nau lau fekau'aki mo hono tō ha tenga 'i ho lotó  
pea ongo'i 'ene tupulakí. Na'e sio 'a 'Ilisa ki he'ene fu'u  
'akau fakamo'oní. Na'e 'i ai nai ha'ane fakamo'oní? Ko e  
hā koā 'ene 'uhingá? Na'á ne fie fehu'i ka na'á ne ongo'i  
fakamā'ia.

'I he 'osi 'a e kalasí, na'e ha'u leva 'a Sisitā Lusou kia  
'Ilisa.

"Hangē 'oku 'i ai ha me'a 'oku mo'ua ki ai ho faka-  
kaukau. 'Oku 'i ai ha me'a 'oku hoko?" Ko e fehu'i ange  
ia 'a Sisitā Lusou.

Na'e toe hila hifo 'a 'Ilisa ki he'ene tā valivalí. "Oku 'ikai  
ke u fakapapu'i 'oku 'i ai ha'aku fakamo'oní. 'Oku 'ikai

ke u 'ilo'i mo'oní pe 'oku  
'uhinga ia ki he hā."

Na'e malimali  
anga'ofa ange 'a Sisitā  
Lusou kia 'Ilisa. "Sai  
pē ia. 'Okú ke mana-  
tu'i e tuí?"

Na'e kamokamo  
'a 'Ilisa. "Ko e tui ki ha  
me'a 'oku 'ikai ke tau lava  
'o mamata ki ai?"

"Ko ia!" Ko Sisitā Lusou  
ange ia. Ko e hā ha ngaahi  
me'a 'okú ke tui ki ai?"

Ko ha fehu'i faingofua ia. "Oku  
ou tui ki he Tamai Hēvaní mo Sisū Kalaisi.  
'Oku ou 'ilo'i 'okú Na 'ofa 'iate au."

Na'e malimali 'a Sisitā Lusou. "Na'á ke toki vahevahe  
pē ho fakamo'oní! Ko e fakamo'oní 'a e me'a 'okú ke tui  
ki ai fekau'aki mo e ongoongoleléi."

Na'e fakakaukau 'a 'Ilisa ki ai. "Oku 'osi 'i ai 'eku faka-  
mo'oní 'a'aku?"

"Io!" Na'e puke hake 'e Sisitā Lusou 'ene folofolá.  
"Pea 'okú ke manatu'i e me'a na'a tau lau he 'aho ní?  
'Okú ke fu'ifu'i 'a e tengá 'i hono fai e ngaahi me'a  
hangē ko e ha'u ki he lotú. 'E tupulaki leva ho faka-  
mo'oní ke mālohi ange."

Na'e ongo'i 'e 'Ilisa hangē ne mahino kiate iá. "Ko e  
'uhinga ia na'a tau tā ai 'etau ngaahi fakamo'oní ko ha  
fu'u 'akau?"

Na'e pehē 'e Sisitā Lusou, "Ko ia. Koe'uhí 'oku tupu  
māmālie 'a e fu'u 'akau. "Oku pehē pē 'a e ngaahi faka-  
mo'oní. 'Oku 'ikai ke fa'a ma'u ia 'i ha taimi pē 'e taha.  
'Oku tupulaki māmālie ia."

Na'e ongo'i fiemālie 'a 'Ilisa ki he fu'u 'akau na'á ne  
taá. 'I he'ene a'u ki 'apí, na'á ne tohi "Ko 'Eku Fu'u 'Akau  
Fakamo'oní" he tafa'aki 'o 'ene tā valivalí. Na'á ne tautau  
ia hono ve'e mohengá. Na'á ne 'ilo na'e 'osi tupulaki 'ene  
fakamo'oní. Pea na'á ne loto ke kei muimui kia Sisū kae  
lava ke tupulaki ia 'o lahi ange! ●



**KO HONO  
FAKATUPULAKI HO'O  
FAKAMO'ONÍ**

Ko e  
fakamo'oní  
'a e me'a 'okú ke tui 'oku  
mo'oní, hangē ko e "'Oku 'ofa 'a e  
'Otuá 'iate au" pe "'Oku ou tui 'oku  
ta'engata e fāmilí."

'Oku fie ma'u  
'e he 'akau  
'a e vai mo e la'ā kae lava  
ke tupu. 'Oku hangē 'a e ngaahi  
folofolá, lotú, mo e siasí ko e vai  
mo e maama ki he'etau ngaahi  
fakamo'oní.

'Oku fakamālohia  
'a e 'akau 'e he  
ngaahi aká.  
Tau tauhi mu'a 'etau ngaahi  
fakamo'oní ke mālohi 'aki hono  
manatua e Tamai Hēvaní mo Sisū  
he 'aho kotoa pē!

Hangē  
ko e 'akau,  
'oku tupulaki e ngaahi fakamo'oní  
e tokotaha kotoa pē 'i ha ngaahi taimi  
kehekehe. 'Oku hōifua e Tamai Hēvaní 'i he  
taimi 'oku ki'i tupulaki ai ho'o 'ilo.

NGAAHI TĀ FAKATĀTA A CAROLINA FARIAS